



United Way of Massachusetts Bay's

Kandidatura Purguntas Frikuenti



United Way of
Massachusetts Bay

Kandidatura Parti I:

Tudu Kandidátu

1. Skodje un Lingua pa prienxi kel kandidatura li:
 - Kantonés
 - Kriolu Kabuverdianu
 - Inglés
 - Kriolu di Haiti
 - Mandarin
 - Purtugés
 - Spanhol
 - Vietnamita
2. Informason di Organizason
 - Nomi Juridiku di Organizason
 - Nomi Prifirensial di Organizason (kazu for diferenti)
 - Numeru di Identifikason 501c3 Sen Fins Lukrativu
 - Si bu stiver ta kandidáta através di un patrusinador fiskal, aponta nomi di patrusinador fiskal y durason di akordu.
 - Inderesu di Kureiu
 - Tilifoni
 - Pájina di Internet
 - Konta(s) na Redis Susial
3. Kontáktu di Kandidatura (Primáriu)
 - Nomi Konpletu
 - Puzison
 - Email
 - Tilifoni (kazu for diferenti)
4. Direktor Izikutivu
 - Nomi Konpletu
 - Puzison
 - Email
 - Tilifoni (kazu for diferenti)
5. Orsamentu Organizasional
 16. Orsamentu Organizasional Total
 17. % Finansiamentu Publiku (Federal, Stadual, Munisipal)
 18. % Finansiamentu Privádu (Subsidius, Kontribuison di Terserus)
 19. % Taxas ô Otus Riseita
 20. Faze download di planilha "UWMB Ratio Analysis (Análizi di Koifisienti UWMB)" pa bu organizason
 - Faze download na kel link li
 21. Faze upload di auditoria más risenti na bu organizason (si stiver dispunivel)

6. Diskrison Organizasional

22. Na kal di kes siginti li sidádi ki bu organizason ta presta sirvisus?
- Rижion di Boston (Dorchester, Roxbury, Mattapan ô Hyde Park)
 - Boston (otus bairu)
 - Cambridge
 - Chelsea
 - Haverhill
 - Lawrence
 - Lowell
 - Lynn
 - Malden
 - Quincy
 - Revere
 - Salem
 - Taunton
 - Ninhun di kes indikádu
23. Kal ki é mison y vizon di bu organizason?
24. Diskreve bu ikipa di lideransa en rilason a manera ki es ta riprizenta bu kumunidádi, ses spiriénsia vividu ku kistons na undi ki bu organizason sta fokádu y modi ki spiriénsia ta molda ses abordájen pa lideransa di organizason.
25. Diskreve bu abordájen organizasional en rilason a Diversidádi, Ekuidádi, Inkluzon, Sentimentu di Perténsa y Justisa y pulítikas y práttikas ki bu organizason sta ta adota pa kria ekuidádi.
26. **Opsional:** Bu pode manda ti très dukuumentu ta apoia kel sekson li, sima Tioria di Mudansa; un Ornográma; Diklarason di Diversidádi, Ekuidádi, Inkluzon, Sentimentu di Perténsa y Justisa; ô un Planu Stratéjiku. Pur favor ka bu ilabora dukumentus pa kel ifeitu li. Kandidátus ka ta bai ser pinalizádu pa ter dexádu sekson di upload en branku.
27. Kal subsídiu ki bu sta ta kandidáta pa el? (Marka kuadrádu, skodje un ô tudu dós)
- Sirvisu Diretu
 - Pulítika Publiku

Kandidatura Parti II:

Apenas Kandidátus pa Sirvisu Diretu

Kumunidádis Alvu [Boston (ku prioridádi pa Dorchester, East Boston, Hyde Park, Mattapan y Roxbury), Cambridge, Chelsea, Haverhill, Lawrence, Lowell, Lynn, Malden, Quincy, Revere, Salem y Taunton.]

28. Diskreve kumunidádis undi ki bu ta presta sirvisu diretu. Foka na distáka sirvisus, instituisons y sistémas ki ta promove ô difikulta ben istár finanseru na kes kumunidádi li.
29. Kal ki é papel di bu organizason na kumunidádi en rilason a riduson di bareras y kriason di oportunidádis? Modi ki bu ta ingaja kumunidádi más abranjenti na kes isforsu li?

Atividádis di Sirvisu Diretu

30. Kal di kes siginti via pa ben istár finanseru ki bu sirvisu diretu ta apoiia? (Marka kuadrádu, skodje tudu kes ki ta aplika)
 - **Inkluzon Ikunómiku y Konstruson di Rikeza** (Sirvisus individualizádu ki ta inpodera menbrus di kumunidádi pa atinji ses obietivu finanseru y alkansa ben istár finanseru. Atividádis ta inklui coaching finanseru, formason di kréditu y di ativus, ku enfazi na sirvisus integrádu ku prugramas di dizinvolvimentu di mon di obra.)
 - **Prugramas di Edukason Pré-Skolar y di Piriudu Extra-Skolar** (Prugramas di Edukason pré-skolar y di Piriudu Extra-Skolar ki ta apoia dizinvolvimentu y edukason saudável di kriansas y jovens. Atividádis ta inklui prestason di sirvisus infantil pa babes, kriansas pikinoti y kriansas na idádi pré-skolar y prugramas pa piriudu extra-skolar y di veron pa jovens na idádi skolar.)
 - **Perkursus Prufisional pa Adulisentis y Jovens Adultu** (Prugramas ki ta ingaja y apoia jovens entri 16 a 24 anu di idádi, ki sta diskonektádu ku skola ô trabadju, na perkursus edukativu y prufisional. Atividádis ta inklui dizinvolvimentu di mon di obra, prugramason edukativu, coaching y sirvisus rilasionádu.)
 - **Abitason Siguru y Istável** (Intervensons ki ta interonpe siklu di instabilidádi abitasonal y ta kontribui pa torna dizalojamentu más raru, brevi y ka rikorenti. Atividádis ta inklui sirvisus di privenson y istabilizason alinhádu ku mudelu Housing First *Moradia en Priméru Lugar*.)

Risponde prósimu très purgunta pa kada un di kes sirvisu diretu ki bu skodje.

31. Diskreve bus atividádi di sirvisu diretu ki sa en konformidádi ku kuadrádu(s) ki bu marka di riba. Na bu diskrison, pur favor mensiona padrons di kualidádi, akreditason ô midjoris prátika ku bazi na ividéncias ki ta sustenta konsepsion y prestason di bu sirvisu. Pur favor konta-nu sobri bus rizultádu más risenti.
32. Pur favor diskreve populason prioritáriu pa kada un di kes atividádi di sirvisu publiku ki bu marka di riba. Kal ki é ses aspirason y ki bareras sistemátiku ô institusional ki es ta infrenta?

33. Fala-nu más sobri parsirias, kumunidádis di prátika ô redis di kolaborason ki é más inportánti pa ingaja y apoia kel populason li y torna sirvisus más asesivel y ifikás. Pur favor diskreve ses obietivu y limita bu risposta a nu másimu dós izénplu.
34. **Opsional:** Si bu tiver dukumentus ki ta mostra mudelu(s) lójiku di atividádis diskritu na prizenti kandidatura, bu pode faze ses upload li. Pur favor ka bu ilabora dukumentus pa kel ifeitu li. Kandidátus ka ta bai ser pinalizádu pa ter dexádu sekson di upload en branku.

Parsiria y Mudansa di Sistémas

35. Modi ki bu organizason ta inklui partisipantis di prugrama di sirvisu diretu na planiamentu organizasional y tomada di disizon?
36. Modi ki bu ta midi spiriénsia di partisipanti y faze uzu di kel informason pa informa atividádis di bu organizason? Ku kenha ki bu ta partilha kel informason?
37. Mudansa di sistémas ta iziji parsirias risipruku y kolaborativu. Diskreve kes parsirias ki é más fundamental pa alkansa obietivus di bu organizason. Fornese di un a très izenplu di modi ki bu organizason sta ta partisipa na kolaborasons, koligasons y/ô advokasia intersetorial ku obietivu di torna sirvisus y sistémas más asesivel, sustentável ô ifikás.
38. Narativa di riba ta diskreve árias di mudansa di sistémas ki United Way ta bai monitora y modi ki nu ta plania kontribui komu parseru. Kal ki é maneras spisífku ki bu kre faze parsiria ku United Way y se redi abranjenti pa afeta mudansa?

Apenas Kandidátus pa Pulítika Publiku

Kumunidádis Alvu [Boston (ku prioridádi pa Dorchester, East Boston, Hyde Park, Mattapan y Roxbury), Cambridge, Chelsea, Haverhill, Lawrence, Lowell, Lynn, Malden, Quincy, Revere, Salem y Taunton.]

28. Kal ki é foku jiográfiku di atividádis di pulítka publiku?
29. Modi ki bu organizason ta ingaja y ta obi rizidentis di kumunidádis alvu di United Way?

Atividádis di Pulítika Publiku

30. Ki via(s) pa ben istár finanseru ki bu organizason ta konsentra n-el através di pulítika publiku? (Marka kuadrádu, skodje tudu kes ki ta aplika)
 - **Justisa Ikunómiku y Konstruson di Rikeza** (Promoson di inkluzon ikunómiku y di konstruson di rikeza, sima ixpanson di asésu a kréditu y opurtunidádis di poupanza pa kumunidádis karensiádu y aumentu di pruteson kontra práttikas finanseru tendensiozu.)
 - **Prugramas di Edukason Pré-Skolar y di Piriudu Extra-Skolar** (Aumenta kualidádi, asesibilidádi y viabilidádi ikunómiku di prugramas EOST, difendi un investimentu publiku adikuádu y riduzi pezu di kustu pa familias di un manera sustentável.)
 - **Perkursus Prufisional pa Adulisentis y Jovens Adultu** (Ilimina bareras pa asésu a edukason y karera pa jovens más marjinalizádu, inkluidu kes ki ta vive na situason di dizalojamentu ô instabilidádi abitasonal; ki sta involvidu ku sistémas sima sistéma judisial, DYS ô DCF; grávidas ô kuidadoris; imigrantis y rifujiádu, inkluidu kes sen dukumentu; difisientis; neurodiverjentis; LGBTQIA+.)
 - **Abitason Siguru y Istável** (Promoson di sulusons ki ta kontribui pa ilimina y privini dizalojamentu, sima ixpanson di asésu a abordájens priventivu y moradias a presu txeu asesivel, djuntu ku sirvisus kordenádu pa pupulasons marjinalizádu.)
31. Diskreve obietivu di bus atividádi di pulítika publiku ki ta alinha ku kuadrádu(s) ki bu marka di riba. Konta-nu más sobri bus rizultádu más risenti.
32. Diskreve pupulason prioritáriu pa bus atividádi y obietivu pulítiku. Kal ki é bu abordájen pa ingaja-s na konsepsion di bus prioridádi di pulítika publiku, isforsus di sensibilizason y na dizinvolve-s komu lideris ki ta aborda kistons ki ses kumunidádi sta ta infrenta? Inklui kes parsiria ki é más inportánti pa ingaja y apoia kel pupulason li.
33. Si bu organizason ta partisipa na redis di kolaborason ô kumunidádis di práttika rilevanti, partilha-s ali.
34. **Opsional:** Si bu tiver dukumentus ki ta mostra mudelu(s) lójiku di atividádis diskritu na prizenti kandidatura, bu pode faze ses upload li. Pur favor ka bu ilabora dukumentus pa kel ifeitu li. Kandidátus ka ta bai ser pinalizádu pa ter dexádu sekson di upload en branku.

Parsiria y Mudansa di Sistémas

35. Modi ki bu ta aumenta vizibilidádi di justisa ikunómiku y ixpandi sensibilizason publiku di bareras sistemátiku y institusional pa ben istár finanseru ki bu pupulason prioritáriu ta infrenta?

36. Kal ki é prinsipal fontis di dádus y ividénsias ki ta orienta bus isforsus pulítiku y di sensibilizason? Modi ki bu torna dádus publiku dispunivel más asesível?
37. Diskreve kolaborason ô koligason intersetorial ki bu ta lidera. Modi ki bu sta ta influensia manera ki rikursus ta priorizádu ô distribuidu? Modi ki bu sta ta influensia manera ki informason y dádus ta bira kada bes más asesível?
38. Modi ki bu ta garanti ma pulítikas ki bu ta kontribui pa ses aprovason sta ta ser implimentádu di forma ifikás, ekuitativu y ta ser adaptádu, kazu for nisisáriu?
39. Narativa di riba ta diskreve árias di mudansa di sistémas ki United Way ta bai monitora y modi ki nu ta plania kontribui komu parseru. Kal ki é maneras spisífku ki bu kre faze parsiria ku United Way y se redi abranjenti pa afeta mudansa?

Purguntas Frikuenti

Pupulasons y Kumunidádis di Foku

Modi ki United Way skodje kes 12 kumunidádi alvu?

Nu identifika sidádis ku maior konsentrason di pobreza, sendu pobreza konsentrádu un indikador konfiável di subinvestimentu króniku. Di akordu ku estimativas di sinku anu di American Community Survey di 2021, 293.702 pessoas na nós ária di intervension ten rendimentu infirior a média federal di pobreza. Ordena sidádis na nós ária di intervension di maior pa minor numeru di rizidentis ku un nivel di pobreza baxu di média, ta rivela ma kes 12 prinsipal sidádi é lar di más du ki dós tersu di pupulason di nós ária di intervension ki ta vive na un nivel di pobreza baxu di média. Para alén di kela, konsentrason di pesoas na situason di pobreza na kes sidádi li é di 10% ô más.

Modi ki United Way skodje bairus spisífiku di Boston pa da prioridádi?

Komu United Way ta foka na prosperidádi di tudu rasa y etinia, ku prioridádi spisífiku pa pupulasons Pretu y Latinu, nu identifika sinku bairu undi más di 50% di rizidentis é Pretu ô Latinu. Kes bairu é Dorchester, East Boston, Hyde Park, Mattapan y Roxbury. Apizar di kes bairu li ser nós prioridádi na Boston, nu ta seta kandidatura di organizasons ki ta foka na apoiu rizidentis na sidádi interu y na otus bairu di Boston.

Nha organizason ka ten un lokalizason fiziku na ninhun di kes 12 kumunidádi di foku, mas nu ta apoia pesoas di kes kumunidádi la. Mesmu asin nu pode kandidáta?

Pa ser ilijivel pa kel oportunidádi di finansiamentu li, é ka obligatóriu bu ten un lokalizason fiziku di sirvisu na un di kes kumunidádi alvu. Bu organizason ta bai ser ilijivel pa oportunidádi di finansiamentu se maioria di pesoas ki ta partisipa na atividádis alinhádu ku nós kuantu via pa oportunidádi finanseru ta ben di nós kumunidádi alvu.

Modi ki United Way ta bai faze parsiria ku kumunidádis fora di kes 12 kumunidádi di foku?

Tudu kumunidádi na nós ária di influensia ten oportunidádi y risponsabilidádi di kontribui pa nós prosperidádi konpartilhádu. Nu ta bai kontinua ta trabadja ku parserus di ajénsias sen fins lukrativu, munisipal y stadual na nós rijion na koligasons y otus isforsus di planiamentu y di sensibilizason ki é fundamental pa anplia vias pa ben istár finanseru, sima dizinvolvimentu di moradias a presu asesivel. Organizasons na otus kumunidádi pode kontinua ta partisipa na prugramas di United Way, oportunidádis di aprendizájen, subsídus spisial ô oportunidádis di finansiamentu stadual, sima risenti prugrama Summer Step Up y MA Alliance for Supportive Housing.

Pupulason di diferentis rasa y etinia ta pasa pa injustisa. Pamodi ki United Way ta foka na pupulasons Pretu y Latinu?

Entri organizasons ki ta apoia individus na ses perkursu pa prosperidádi, United Way sta ta prioriza investimentu na kes ki ta foka na ben istár di pupulasons Pretu y Latinu. Apizar di ka ser unánimi, menbrus di kes dós grupu dimográfiku en jeral ten sidu más marjinalizádu di vias pa ben istár finanseru na nós rijion, sima nu pode odja na rendimentu médiu pa grupu rasial ô etniku, na taxas di diskonekson di joven y na statistikas di istabilidádi abitasonal. Para alén di invisti na organizasons ki ta foka na pupulasons Pretu y Latinu, nu ta bai prioriza investimentus na organizasons ki ta sirbi pesoas ku diferentis spiriénsia di vida ki ta subripoi a rasa y etinia pa kria bareras struktural adisional y kompleksu, sima otus pesoa di kor, pesoas di diferentis jéneru y orientason seksual y di akordu ku ses statutu di difisiénsia y statutu di imigrason ô sidadania.

Finansiamentu y Subvensons

Modi ki nu pode uza finansiamentu?

Kel oportunidádi di subsidiu li é pa finansiamentu ilimitádu. Organizason ta bai uza ses propi kritériu na gasta fundus di subsidiu pa atinji ses mison y obijetivus na kumunidádi. United Way ka ta bai pidi un orsamentu di prugrama ô virifikason di modi ki finansiamentu foi gastu.

Kal ki é prazu di finansiamentu? É mesmu séti anu di konpromisu ininterruptu? Kuandu ki pagamentus ta bai kontise?

Pa priméru anu ki ta kumesa na Otubru di 2023, subsidius ta bai ser pagu na Otubru, Janéru y Abril pa piriudu di subsidiu inisial di Siténbru di 2023 a Agostu di 2024. A partir di Siténbru di 2024 y ti fin di vijénsia di subsidiu, subsidius ta bai ser pagu trimestralmenti. Organizason ki konsededu finansiamentu na Otubru di 2023 ka ta bai ten ki torna kandidáta duranti piriudu di séti anu.

Na mesmu tenpu ki nu sta kunprumitidu ku kes parseru y prioridádis di finansiamentu entri Otubru di 2023 y Agostu di 2030, United Way ta bai atribui finansiamentu pa ajénsias parseru, dependendu di dispunibilidádi y di rizultádu. Na kel kontekstu li, dispunibilidádi signifika susésu di United Way na angaria riseita di korporasons, fundasons y doadoris. Rizultádu ker dizer parsiria y kontribuison di ajénsia pa un konjuntu di rizultadus mutuamenti akordádu, konformi ta bai ser artikuládu na un futuru Memorandu di Intendimentu. Pa konsigi más informason sobri rilatórius privistu y modi ki United Way ta bai midi inpaktu, konsulta sekson a sigir intitulado "Parsiria y Rilatóriu".

Kantu subvensons United Way ta bai konsedi es anu li? Ta bai ten algun otu ranpa di asésu pa finansiamentu?

Nu ta bai atribui 70-90 subsidiu através di kel oportunidádi di finansiamentu li, inkluidu subsidius pa sirvisus diretu y pulítikas publiku. Risentimenti nu anunsia Subsidius di Ason Kumunitáriu pa ason y advokasia di bazi. Na prósimus anu, nu ta spera kontinua ta finansia Subsidius di Ason Kumunitáriu y ta da más un oportunidádi pa Inpaktu Kuletivu. Kazu finansiamentu pirmiti, nu ta spera sirbi más organizason di sirvisus diretu y pulítikas publiku a meiu siklu.

Modi ki N ta silesiona valor di dinehru ki nu kre kandidáta pa el?

Bu organizason ka sta bai kandidáta pa un valor spisífiku di finansiamentu. Nivel ta bai ser difinidu ku bazi na tamanhu di organizason y na alkansi di kontribuisons pa prioridádis diskrebedu n-es RFP.

Modi ki United Way ta bai uza nhas informason finanseru?

United Way ta analiza tudu informason finanseru di pusivel binifisiárius, pa pode midjor intende pontus fiskal forti di organizasons, pa sabe direSIONA apoiu y rikursus undi ki for nisisáriu y pa garanti ma investimentu ta ser fetu na organizasons ku bon situason finanseru.

N sta ku problema na kompleta parti sobri informason finanseru di organizason. Kuzé ki N debe faze?

Pur favor manda email pa y pidi ajuda pa kompleta kel informason li. Un funksionáriu di United Way ta bai trabadja ku bo pa rikolhi dádus fiskal nisisáriu.

Atividádis Finansiádu

Nha organizason pode kandidáta tantu pa opurtunidádis di sirvisu diretu komu pa pulítika publiku?

Sin. Ten un kuadrádu na Parte I pa mostra si bu sta ta kandidáta pa sirvisu diretu, pulítika publiku ô tudu dós opurtunidádis di finansiamentu. Ku bazi na bu risposta a kel purgunta, bu ta bai prienxi Parte II pa Sirvisu Diretu y/ô Parte III pa Pulítikas Publiku.

N ka ten serteza si nós programa é ilijivel pa finansiamentu pa sirvisu diretu. Un di ki N pode konsigi más informason sobri tipu di atividádis di sirvisu diretu ki nhos ta pritende finansia?

Si bu ta presta programás ô sirvisus ki bu ta atxa ma sta en konformidádis ku un ô más di kes diskrison di tabela di Sirvisus Diretu na pájina 4 y 5, nton bu sta konvidádu a prienxi furmuláriu di ilijibilidádis. Tudu organizason ilijivel ta bai ten opurtunidádis di pidi un konversa individual, pa partisipa di un sison informativu y/ô konparese na oráriu laboral, sima sta diskritu na pájina 8 di sekson di apoiu y kornográma di kandidátu. Kes-li é opurtunidádis opsional pa diskuti parsiria y faze purguntas sobri kualker aspetu di kel kandidatura li y opurtunidádis di finansiamentu.

Dja nu risponde purgunta sobri nós ária di sirvisu na Furmuláriu di Ilijibilidádis. Pamodi ki nu sta torna faze-l?

United Way ripiti kes kiston li pa djuda analistas kumunitáriu y pирmiti-u opurtunidádis di muda bus risposta kazu bu stiver ta inklui sirvisus na RFP ki bu ka konsidera kuandu bu risponde kistionáriu di ilijibilidádis.

Nu sta ta lánsa un novu programa na Otonu di 2023. Nu pode inklui kel programa li na nós kandidatura pa Sirvisu Diretu?

Nau. United Way ta bai konsidera programás ki dja ten pelu menus un anu operacional.

Parsiria y Rilatórius

Dja nu foi parseru di United Way na pasádu. Kela ta bai ser lebádu en konta na disizons di United Way?

Tudu organizason ilijivel ki manda kandidaturas konpletu ta bai ten mesmu tratamentu pa opurtunidádis di finansiamentu.

Modi ki United Way sta ta bai midi inpaktu di parserus finansiádu?

Pa promove justisa ikunómiku na un dimenson ki nu ta odja mudansas na ben istár finanseru y na prosperidádis a nivel pupulacional, United Way sta fokádu na influencia mudansa di sistémas, djuntu ku nós parseru, sima sta diskritu na pájina 6 di kel dukumentu li. Maioria di kes rizultádu a nivel sistemátiku ta mididu midjor através di análisis anual di konjuntura, u ki nu ta rikore a nós parseru— fontis kridivel di informason sobri ses kumunidádis —pa djuda-nu konpletu. Rizultádis akordádu di forma mútu ta bai ser artikuládu na futuro Memorandu di Intendimentu.

Kazu nu for selesionádu, kal ki é ispetativas di United Way en rilason a rilatóriu (prusésu y kontiudu)?

Nós intenson é riduzi rilatórius konvensional durante kursu di subsidiu, através di foku na mudansas a nivel populacional. Nu ta spera ko-dizinvolve obijetivus durante nós parsiria y nu ta responsabiliza pa es, asin komu riuni ku bu organizason kuandu fizer sentidu durante anu pa midjora apoia nós isforsu kuletivu. Rilatórius ta bai foka na dizinvovimentu di un vizon di kuzé ki sta pasa na kumunidádi.

Nha organizason ta anbisiona kontribui pa mudansa di sistémas ki nu ta trabadja ku es, mas nu ka sabe sertu modi ki nu ta fala sobri kela na nós kandidatura. Nu é ilijivel? Modi ki United Way pode djuda?

Priméru, nu kre fla ma muda sistémas é un kiston di adaptason — ka ten linha retu ô kaminhu fásil pa susésu. United Way sta ta djobe parserus ki ta partilha vizon, obijetivus y prioridádis ki sta diliniadu na narativa di kel RFP li, a longu prazu, y parserus ki sta ta trabadja pa muda sistémas di manera diskritu na pájina 6 di kel dukumentu li. Nu sta ta djobe parserus ki ta mostra modi ki es ta persisti peránti dizafius y ka apenas ku un lista di susésus individual. Nu ta kridita ma organizasons ta partisipa na mudansa di sistémas di diferenti maneras y nu pode djuda-u sabe modi ki bu ta fala di kela na bu kandidatura. Nós obijetivu é apoia organizasons pa atinji ses obijetivu. Tudu organizason ilijivel ta bai ten opurtunidádi di pidi ten un konversa individual, partisipa na un sison informativu y/ô bai la na oráriu laboral, sima sta diskritu na lista di apoia a kandidátus na pájina 8. Kes-li é rikursu opsional forneseu pa garanti ma organizason ten txeu opurtunidádi di faze purguntas sobri kualker aspetu di kandidatura y opurtunidádi di finansiamentu.

Modi ki United Way skodje kes ária di mudansa di sistémas pa foka n-es y monitora-s?

Nós trabadju di planiamentu stratéjiku kumesa na 2021. Durante kel planiamentu nu rikunhese ma uniku forma di promove justisa ikunómiku a nivel populacional é foka na influensia mudansas di sistémas ki ta riforsa bareras izistenti pa asésu a un moradia siguru y istável, prugramas di kualidádi pa edukason pré-skolar y piriudu extra-skolar, perkursus edukativu y prufisional pa adulisintis y jovens adultu y opurtunidádis di konstrui rikeza. Ku bazi na iviensas rikolhidu durante nós Konversa Kumunitáriu ku rizidentis na 2022, na sisons di isklarimentu di Kámara Munisipal ku prestadoris di sirvisu, monti intrivistas ku ajentis iexternu, na análizi izaustivu di literatura, spiriénsia di funsionárius di nós ikipa y na orientason di nós konsultoris di RAND Corporation, nu ditirmina ma kes tipu spisífiku di mudansa di sistémas li é kes más inportánti pa promove justisa ikunómiku en grandi skala y é kes más diretamenti rilevanti pa nós stratéjia distinádu a torna kes kuantu via pa ben istár finanseru más inkluzivu pa nós populason alvu.

Modi ki United Way ta bai faze parsiria ku kandidátus ki ka skodjedu pa finansiamentu?

United Way ka ta bai ten kapasidádi pa finansia tudu kandidátu. Nu ta spera ma organizasons ki ka finansiadu mesmu asin ta kontinua ta atxa ma é benéfiku kolabora ku United Way na koligasons y otus isforsus di planiamentu y advokasia ki é fundamental pa dimensiona vias pa ben istár finanseru, sima dizinvovimentu di moradia a presus asesivel. Organizasons na otus kumunidádi pode kontinua ta partisipa na prugramas di United Way, opurtunidádis di aprendizájen, subsidius spisial ô opurtunidádis di finansiamentu stadual, sima risenti Prugrama Summer Step Up, ASOST-R, Commonwealth Preschool Partnership Initiative y MA Alliance for Supportive Housing.

Difinisons

Modi ki United Way ta difini justisa ikunómiku?

Justisa ikunómiku é konvikson ma tudu kumunidádi ta prospera oras ki kada pesoa ta konsigi kria bazi matirial sufisienti pa ten un vida dignu, prudutivu y kreativu.

Sekson Safe & Stable Housing (Abitason Siguru y Istável) ta mensiona mudelu Housing First (Moradia en Priméru Lugar). Kela é kuzé?

Housing First é un mudelu baziadu na ividénsias ki ta proporsiona pesoas ki sta vive siklu di instabilidádi abitacional y dizalojamentu ku moradia istável sen kualifikason, dandu a es opurtunidádi di ingaja di forma sustentável ku rikursus ki ta apoia rikuperason y prosperidádi, sima kuidádu di saúdi integral y sirvisus edukativu y prufisional. Dja nu difinbai kel-li na otu lugar, [innkluzive ali](#). Apizar di ki da risposta a krizis éun komponenti inportáti pa ilimina falta di moradia, United Way ta bai diresona filantropia pa sulusons di longu prazu ki ta riduzi nisisidádi di risposta a krizis senpri ki pusivel.

Kuzé ki é asset-framming (inkuadramentu di ativus) ô asset-based framing? Undi ki N pode atxa más informason sobri kela?

Asset-based framing é un abordájen puderozu di kumunikason. Ta kumesa senpri ku pontus forti, konpiténsias y putensial di individus y kumunidádis, invés di da enfazi apenas a ses pontu fraku ô problema. Kel-li ta djuda inspira suluson y kolaborason. Oras ki sta faládu di dizafius ô bareras, inkuadramentu di ativus ta konsentra-s na sistémas ki ta perpetua prijuizus, invés di frakasu individual. Pa más informason, konsulta kes rikursu li:

- [Intrivista di Skillman Foundation ku Trabian Shorters](#)
- [Trabian Shorters and the Genius of Asset Framing \(Trabian Shorters y Jéniu di Inkuadramentu di Ativus\)](#)
- [Asset-Framing \(Inkuadramentu di Ativus\): The Other Side of the Story \(Kelotu Ladu di Stória\)](#)